



Inatsisartut ilaasortamut
Peter Olsen, Inuit Ataqtigiit
Emailikkut uunga nassiunneqartoq inatsisartut@inatsisartut.gl

Nipilersortartut eqqumiitsuliortullu akileraaruserinikkut atugaat pillugit § 37 naapertorlugu apeqqummut 2023-116-imut aamma 2023-117-imut akissut

13-07-2023

Sags nr. 2023 - 18788

Matumuuna siuliani § 37 naapertorlugu apeqqutitut akissut nassiunneqarpoq. Akissummut atugassanik Akileraartarnermut Aqutsisoqarfimmut ilassutissanik piniartoqarpoq.

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Aallaqqaasiullugu Naalakkersuisut siusinnerusukku § 37 naapertorlugu akissutaat 2021-103, 2020-004, 2017-174 aamma 2017-171, siammasissumik apeqqutini ukunani sammisanik imaqtartut innersuutigineqarput.

Tulliuttuni apeqqutit ataasiakkaarlugit akissutitai ilanngullugit allanneqarput.

Apeqqut nr. 116

- 1. Naalakkersuisut isumaqarpat nipilersortartoq namminersortoq allamilu suliffeqarani taamaallaat nipilersortartuunerminik inuussutissarsiuteqartoq aammalu namminersortut allattorsimaffianni allattorsimasuulluni CVR.nr-qartoq, allatulli sulisartutut akileraarutininik A-nik imaluunniit B-nik akileraaruserneqarluni akissarsisassasoq?**

Naalakkersuisut nipilersortartut namminersorlutik inuussutissarsiortut akileraaruserneqartarnerat, akileraarusiisarnermik inatsimmik atuuttumik malinninnissaannik isumaqarput. Nipilersortartoq CVR-imik nalunaarsuiffimmi nalunaarsorsimaguni namminerisaminillu suliffeqarfiuteqarluni, taava pineqartup nipilersornermit isertitai akileraarusiisarnermi aalajangersakkat immikkoortullu naapertuuttut malillugit akileraarusiivigineqassapput. Matumani isertitat suuneri apeqqutaatillugit A-nik isertitat B-nilluunniit isertitat pineqarsinnaapput.

A-tut isertitat akileraarutininik ilanngaassereerluni tunniunneqartartut pineqarput, taamaalilluni isertitaqartoq nammineerluni akileraartarnermut oqartussanut isertitaminik nalunaarutiginnittusaanani.

B-tut isertitat akileraarutininik ilanngaassinani tunniunneqartut pineqarput, taamaalilluni isertitaqartoq nammineerluni akileraartarnermut oqartussanut isertitaminik nalunaarutiginnittusaalluni.

CVR-imik normu namminersorlutik inuussutissarsiortunik nalunaarsuinissamik taamaallaat siunertaqarnera erseqqissaavigineqassaaq. Taamaalilluni CVR-normu A-nik B-nilluunniit isertitat pineqarnerannut sunniuteqanngilaq. § 37 naapertorlugu

apeqqummut 2017-174 (qupperneq 2-5) akissut innersuutigineqarpoq, tassani CVR-normumut tunngasut erseqqinnerusumik itisiliivigineqarput.

2. Naalackersuisut Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersaq § 7 imm. 8 allangortinniarlugu pilersaaruteqarpat

Naalackersuisut nalunaarummi taaneqartumi § 7, nr. 8-mi aalajangersakkat pineqartut pineqarsoraat, nalunaarummi imm. 8-qanngilaq.

Aalajangersakkami taaneqartumi solistitut, isiginnaartitsisartutut, nipilersortartutut, atuakkiorutut, allatullu eqqumiitsuliortutut, timersortartutut, allaaserinnittutut, eqqartuussisutut, eqqartuusseqataasutut illersuisutullu akissarsiat isertitat A-tut naatsorsuunneqarnerat aalajangersarneqarpoq.

Maanna akileraartarnikkut aaqqissuusseqqinnissaq suliarineqarpoq, tassani akileraarusersueriaatsip allaffissornikkut ingerlanneqarnerata pisariillisarnissaa ilaatigut siunertarineqarpoq. Naalackersuisut akileraartarnermut aaqqissuusseqqinnermut atatillugu eqqumiitsuliortut sinaakkutaasa qissimigaarnissaat siusinnerusukkut oqaatigaat. Isumaqatigiissuteqarnermut atatillugu siuliani taaneqartut allangussanersut suli paasinarsinngilaq, maannakuugallartorli aalajangersakkap pineqartup allangortinnissaanut Naalackersuisut pilersaaruteqanngillat.

a. Akissut aappiuppat Naalackersuisut qanoq pilersaaruteqarpat?

Apeqqut 2-mut akissut takuuk.

b. Akissut naamiuppat Naalackersuisut suna tunngavigalugu allannguiniangillat?

Apeqqutip uuma akineqarnerani, nipilersortartut isertitai A-tut pinnagit isertitat B-tut naatsorsuunneqartarnerata pineqarnera tunngavissaatinneqarpoq. Tassa isumaqarpoq nipilersortartut siunissami akileraarut nammineq nalunaarsortassagaat namminerlu naatsorsorlugu, kiisalu akileraarutit sinneruttut nammineq naatsorsorlugit. Tamanna suliassat ataasiakkaanut imaluunniit aalajangersimasumik suliassinneqartunit aningaasarsinermi/ajunngitsorsinermi pinnani taarsiullugu pisassaaq.

Aallaqqaasiullugu § 37 naapertorlugu apeqqummi 2021-103 (apeqqutit 2 aamma 4) akissutit innersuutigineqarput.

Malittarisassat atuuttut, nipilersortartut ajunngitsorsiat isertitat A-tut naatsorsuunneqartarnerat nipilersortartunut namminersorlutillu oqartussanut iluaqtissartaqarput:

Nipilersortartunut iluaqtissat tassaapput nipilersortartut nammineerlutik isertitanik nalunaaruteqarnatillu, nammineerlutik isertitaminnik akileraarutinut akiliisannginnissaat. Tamatuma kukkusumik akiliinissamut aarlerinaat minnerulersillugulu nipilersortartut akileraarutinut akiliisussaataitanermik aqutsinerannik pisariinnerulersitsivoq.

Taamatuttaaq periuseqarnerup nipilersortartut assersuutigalugu suliffissaaleqinerminni isertitamik kommunimit ikiorsiissutinik pisinnaangortitsineranut uppenarsaanissaannut ajornannginnerulersitsivoq. Periutsip atuuttup soraarnerussutisiaqalernissamut pinngitsoornani katersaqarnissaq pillugu inatsimmut atatillugu nipilersortartut pisussaaffimminnik malinnissimanerminnik naliliinissaannik ajornannginnerulersitsinera, assersuutit apparaat.

Eqqortumik isertitat passunneqartarnerisa qulakkeerneqarnerat Namminersorlutik Oqartussanut iluaqutissartaavoq. Akileraarutit eqqortumik ilanngarneqartarnerat, nalunaarutigineqartarnerat akilerneqartarnerallu tamatuma malitsigaa, tamannalu naapertuilluartumik ingerlalluartumillu akileraarusiinermik ingerlatsinermut pingaaruteqarpoq.

Nipilersortatut isertitaasa isertitat B-tut suliarineqartalernissaannik malittarisassanik allanngortitsinerup nunatta karsiata iluanaarutaanik annaasaqarnissamik aarlerinaatip annertunerulerneranik, akileraarutinillu akiliisitsiniarnermut nakkutilliinermullu atatillugu allaffissornikkut annertusisamik artukkiinermik malitseqassaaq. Qarasaasianik atortorissaarutit allanngortinnerinut, ilitsersuutinik immersugassanillu nutaanik suliaqarnermut atatillugu kiisalu innuttaasunik ingerlatseqatigiiffinnillu ilitsersuinermut atasumik aningaasartuuteqartoqarlunilu isumalluutinik atuisoqassaaq.

Taamatut allannginnerup immikkut nipilersortartut nammineq allaffissornerunissaat malitsigissavaa, isertitaminnimmi nammineerlutik nalunaarutiginnittalissapput. Nipilersortartut namminersorlutik inussutissarsiortuugunik akileraarutit B-nut akiliisariaqassapput. Isertitanik A-nik aalajangiussimanerup nipilersortartunut pisariinnerusumik naammassisaqarfiunerusumillu akileraarutinik aqqissuussineq qulakkiissavaa, nammineerlutimmi nalunaaruteqartarnernik akileraarutinillu akiliisarallartarnernik passussisariaqassannginnamik.

3. Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 naapertorlugu nipilersortartut isertitaminnik akileraartussanngortinneqarsimasut aammalu suliffeqarfittut akileraarsimasut ukiuni 2021-mi aamma 2022-mi koruuninngorlugit qanoq annertutigippat?

Siusiunnerusukkut § 37 naapertorlugu apeqqutinnut 2017-171-imut akissummi oqaatigineqareertutut, Naalackersuisut akileraarutinik isertitat suminngaanneersuunerinik immikkut nalunaarusiorneq ajorput, taamaalillunilu aamma eqqumiitsuliornermik ingerlatsiviit ilanngullugit. Akileraartarnermut Aqutsisoqarfiup innuttaasut inunnut normui, sulisitsisut, suliakkiisoq il.il. malillugit inuit akileraarutaannik nalunaarsuisarpoq, isertitali ataasiakkaat qanoq iliornikkut isertitarineqartarnerinik nalunaarsuisarnani.

4. Tassunga tunngasumik Naalackersuisut allamik oqaasissaqarpat?

Naalackersuisut Akileraartarnermut Aqutsisoqarfik nipilersornermik ingerlatsisuni soqutigisaqartut suleqatigalugit ilaatigut nipilersortartunut atugassamik ilitsersuummik pissarsiariuminartumik suliaqalersaarnerat, naggasiullugu paasissutissiissutigiumavaat.

Apeqgut nr. 117

- 1. Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 naapertorlugu aningaasarsisimasut ukiuni 2021 aamma 2022 qanoq annertutigippat?**

Siuliani apeqgut 3-mut akissut innersuutigineqarpoq.

Inussiarnersumik inuulluaqqusillunga



Naaja H. Nathanielsen